

**«ՖԱՍԹ ՇԻՖԹ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ  
ԸՆԿԵՐՈՒԹՅԱՆ ՆԿԱՏՄԱՄԲ ՊԱՏԱՍԽԱՆԱՏՎՈՒԹՅԱՆ ՄԻՋՈՑՆԵՐ  
ԿԻՐԱՌԵԼՈՒ ՎԵՐԱԲԵՐՅԱԼ**

Հայաստանի Հանրապետության կենտրոնական բանկի նախագահի որոշմամբ «ՖԱՍԹ ՇԻՖԹ» ՍՊԸ-ի նկատմամբ կիրառվել է պատասխանատվության միջոց վճարահաշվարկային կազմակերպությունների գործունեությունը կարգավորող իրավական ակտերի պահանջների խախտման համար:

Ստորև ներկայացված է որոշման վերնագիրը և եզրափակիչ մասը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԵՆՏՐՈՆԱԿԱՆ ԲԱՆԿԻ ՆԱԽԱԳԱՀ  
ՈՐՈՇՈՒՄ**

**23/01/2024 ԹՎԱԿԱՆԻ ԹԻՎ 1/10ԾՕՀ-Ա**

**«ՖԱՍԹ ՇԻՖԹ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ  
ԸՆԿԵՐՈՒԹՅԱՆ ՆԿԱՏՄԱՄԲ ՊԱՏԱՍԽԱՆԱՏՎՈՒԹՅԱՆ ՄԻՋՈՑՆԵՐ  
ԿԻՐԱՌԵԼՈՒ ՎԵՐԱԲԵՐՅԱԼ**

**ՈՐՈՇՈՒՄ ԵՄ.**

1. Սույն որոշման նկարագրական մասում նկարագրված խախտումները թույլ տալու համար Ընկերության նկատմամբ կիրառել **տուգանք՝ 500.000 (հինգ հարյուր հազար) ՀՀ դրամ գումարի չափով, ինչպես նաև նախազգուշացում խախտումները վերացնելու, ապագայում նման խախտումները բացառելուն ուղղված միջոցառումներ ձեռնարկելու և Որոշմամբ նկարագրված միջոցառումներն իրականացնելու հանձնարարականներով:**

2. Սույն որոշման եզրափակիչ մասի 1-ին կետով նախատեսված միջոցառումներն իրականացնելուց հետո առավելագույնը 5-օրյա ժամկետում իրականացված միջոցառումների վերաբերյալ տեղեկությունները ներկայացնել Կենտրոնական բանկ:

3. Սույն որոշումն ուժի մեջ է մտնում Ընկերություն մուտքագրվելու կամ Ընկերության լիազորված անձին սահմանված կարգով հանձնելու օրվան հաջորդող օրվանից:

4. Սույն որոշումը ՀՀ գործող օրենսդրությամբ սահմանված կարգով կարող է երկամսյա ժամկետում բողոքարկվել ՀՀ վարչական դատարան:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԵՆՏՐՈՆԱԿԱՆ ԲԱՆԿԻ ՆԱԽԱԳԱՀ**

**ՄԱՐՏԻՆ ԳԱԼՍՅԱՆ**